



Ordiziako Udala

(Gipuzkoa)

ADMINISTRAZIO-KLAUSULA BEREZIEN AGIRIA, PROZEDURA IREKIAREN BIDEZ ESLEIPEN HAU ARAUTZEN DITUENA: TERAPIA-ARLOAN ETA GIZARTE- ETA HEZKUNTZA-ARLOAN, ARRISKUAN DAUDEN ADINGABEEN ORDIZIAR FAMILIETAN ESKU HARTZEKO PROGRAMA

I.- KONTRATUAREN EDUKIA

1. KONTRATUAREN XEDEA

Honako hau izango da agiri honetan oinarrituta esleituko den kontratuaren xedea:

- 1.1. Ondoren adieraziko den programa garatuko duten profesionalak kontratatzea. Hauxe da programa hori: terapia-arloko eta gizarte- eta hezkuntza-arloko esku-hartze programa, Gizarte Zerbitzuek egindako balioespenaren arabera, babesgabezia-egoera izateko arrisku arina edo ertaina duten pertsonak dituzten Ordiziako familiei zuzentzen zaiena.

Kontratua agiri honetan eta espedientean bildutako agiri teknikoetan aurreikusitakoaren arabera garatuko da, eta horiek kontratu-izaera izango dute.

2. KONTRATAZIO-ORGANOA

Sektore Publikoko Kontratuen Legearen Testu Bategina onartu zuen 2011ko azaroaren 14ko 3/2011 Legegintzako Errege-dekretuaren (aurrerantzean, Sektore Publikoko Kontratuen Legearen Testu Bategina) bigarren xedapen gehigarriarekin bat etorritik, kontratazio-organoa Ordiziako Udala izango da.


3. GAUZATZEKO EPEA

Kontratuak bi urteko iraupena izango du, kontratu administratiboa sinatzen denetik aurrera kontatzen hasita, bi alderdiak ados badaude, urtero luzatu ahal izango da, betiere, Udalak edo esleipendunak 4 hilabete lehenago kontratua denuntziaztea erabaki ez badute; dena dela, eta luzapenak ere kontuan hartuta, kontratua ez da sei urtetik gorakoa izango.

4.- KONTRATUAREN PREZIOA

- 4.1 1. xedea: terapia-arloko eta gizarte- eta hezkuntza-arloko esku-hartze programa, Gizarte Zerbitzuek egindako balioespenaren arabera, babesgabezia-egoera izateko arrisku arina edo ertaina duten pertsonak dituzten Ordiziako familiei zuzentzen zaiena.

Ondoko zerbitzu hauek fakturatuko dira soilik, eta hauek izango dira zerbitzu bakoitzaren oinarritzko prezioak (BEZ barne) 2014. urtean:



Ordiziako Udala

(Gipuzkoa)

A) Banakako saio terapeutikoa	43,52 €
B) Familiarekin egingo den saio terapeutikoa (terapeuta bat)	67,19 €
C) Familia-hezitzailearen esku-hartze eta koordinazio-ordua (orduko prezio hau da bakarrik lizitazioan sartzen dena, kontratuaren prezio osoaren %90a baita).	30,00 €
D) Koordinatzailearen esku-hartze ordua	34,64 €
E) Terapeutaren koordinazio-ordua	34,64 €

Kontratu honen modalitatearen arabera, ez da kontratuaren prezio osoa finkatuko, eta, horren orde, kontratua osatzen duten unitateen prezioa zehaztuko da; unitateen prezioak (BEZa barne) espedientean jasota daude, eta eskaintzaileek prezio horiek hobetu ahal izango dituzte. Kasu honetan, 2014ko ekitaldirako **27.000 eurokoa** izango da (BEZa barne) aurreikusitako gastuaren gehienezko muga.

Fakturatutako saioak eta orduak Klausula Teknikoen Agirian jasota daude.

Hilero egingo da ordainketa, aurrez faktura aurkeztu ondoren; fakturan honako hauek adieraziko dira: kasu bakoitzean esku hartu duten profesionalen izenak, familiaren inzialak, saio kopurua; azken kasu horretan esku-hartze zuzeneko orduak, koordinazio-ordua, plangintza-ordua eta kudeaketa-ordua banakatuko dira; eta esku-hartze terapeutikoaren kasuan, saioak zein egunetan egin diren ere zehaztuko da.

5. FINANTZIAZIOA

Kontratuaren prezioa ordaindu ahal izateko behar adina diru aurreikusi da aurrekontuaren kontura. Halaber, aurrekontuen arloan eskumena duen organoak konpromisoa hartu du ekimen honek har ditzakeen etorkizuneko ekitaldietako aurrekontuetan egoki irizten diren kredituak gordetzeko.

6. ESKUBIDEAK ETA BETEBEHARRAK:

a) Lanak kontratuan zehaztutako denboran eta lekuetan burutuko ditu esleipendunak, preskripzio teknikoaren eta administrazio-klausulen arabera, eta haien interpretaziorako Administrazioak kontratistari emandako jarraibideak kontuan hartuta. Era berean, ezin izango du kontratua, osorik edo neurri batean, beste pertsona baten esku utzi edo azpikontratatorik egin Administrazioaren baimen espresurik gabe, eta betiere indarreko araudiarekin bat etorrira.



Ordiziako Udala

(Gipuzkoa)

- b) Behin betiko fidantza zehaztutako epean jarriko du.
- c) Zehaztutako epean formalizatuko du kontratua.
- d) Hamabost eguneko epearen barruan, etor litezkeen ezintasunen edo bateraezintasunen berri emango du.
- e) Lizitazioaren eta kontratuaren ondorioz sortutako gastu guztiak ordainduko ditu; honako hauek, besteak beste: Aldizkari Ofizialetan eta prentsan azaldutako iragarkiak, fidantzen eraketa, eta, hala behar badu, kontratua eskritura publikoan dagozkion kopiekin formalizatzea.
- f) Lan Legeria, Gizarte Segurantza eta sektoreko hitzarmen kolektiboen alorrean dauden xedapen guztiak beteko ditu, eta baita 31/1995 Legean (Laneko Arriskuen Prebentziorako Legea) eta lege hori garatzen duten errege-dekretuetan jasotako guztia, eta zerga-alorreko xedapenak ere bai. Horrenbestez, toki-administrazioak eta lanen Zuzendaritzak ez dute inolako ardurarik izango xedapen horiek ez betetzezik etor litezkeen erantzukizunetan.
- g) Langileekin dituen lan harremanak Gipuzkoako 2011-2014 ekitaldietarako Esku Hartze Sozialari buruzko hitzarmen kolektiboaren arabera gauzatuko ditu (20100025012011 kodea – 145 zenbakidun G.A.O, 2011ko abuztuaren 1ekoa)
- g) Greba-egoera epe mugagabeen luzatzen bada edo egoera horrek hiru hilabete baino gehiago irauten badu, kontratistak eta horren langileek men egin beharko diote nahitaez arbitrajeari.
- h) Egiten dituen lanen eta emaniko prestazio eta zerbitzuen kalitate teknikoaren erantzukizuna izango du, eta baita kontratuaren exekuzioan hutsegiteak eta okerrak gertatzeagatik, metodo ez egokiak erabiltzeagatik edo behar bezala ez jarduteagatik Administrazioak edo hirugarren pertsonak izan ditzaketen ondorioen erantzukizuna ere.
- i) Bere gain hartuko du lanak egiterakoan nahiz bere obligazioak betetzerakoan Udalari eta hirugarren pertsonari eragiten dizkien kalte guztien ordaina.
- j) Erantzukizun Zibileko poliza bat kontratatuko du, gutxienez 60.101,00 (hirurogei mila ehun eta bat) eurokoa, hirugarrenei sor diezazkiekeen kalteak estaltzeko.
- k) Erakunde esleipendunak beharrezko giza baliabideak izango ditu zerbitzuak modu egokian garatzeko, eta bere gain hartuko ditu langile horien mendetasun-harremanetik sortutako kostu guztiak;



Ordiziako Udala

(Gipuzkoa)

langileek ez dute inoiz Ordiziako Udalarekin lotura administratiborik edo lan-loturarik izango, eta enpresaren eta langileen arteko harremanetatik sor daitekeen edozein erantzukizunetik kanpo geratuko da Udala.

l) Erakunde esleipendunak Udalak emandako jarraibideak errespetatu behar ditu, eta udal-agintariari eta Udalean erantzukizun hori dagokien eragile edo funtzionarioei zerbitzuaren ustiapena ikuskatzen utziko die.

m) Erakunde esleipendunak etengabeko prestakuntza izatea eskatuko die langileei, erakunde publikoek edo pribatuek antolatuko dituzten birziklatzeko ikastaroetara edo formazio-ikastaroetara joanez.

n) Enpresa esleipendunak, halaber, Klausula Teknikoen Agirian jasotako betebeharrak bete behar ditu.

7. PREZIOAK BERRIKUSTEA

Honako kontratu honetan prezioak berraztertu ahal izango dira, Sektore Publikoko Kontratuen Legearen Testu Bateginaren 89. artikulutik 93.era zehazten denaren arabera, eta Herri Administrazioen Kontratuei buruzko Legearen Araudi Orokorraren 104. artikulutik 106.era zehazten denaren arabera; beraz iraunaldiaren lehenengo urtetik aurrera estatuto K.P.I.aren %50aren arabera eguneratuko da.

8. BERMEAK

Ekonomikoki onena den eskaintza egiten duenak, esleipenaren kopuru osoaren % 5eko bermea eratu beharko du kontratazio-organoaren izenean, Balio Erantsiaren zerga kontuan izan gabe.

Berme hori eratzeko hamar astegun izango ditu esleipendunak, kontratazio-organoaren eskabidea jaso eta hurrengo egunetik zenbatuta, eta Sektore Publikoko Kontratuen Legearen Testu Bateginaren 96. artikuluan zehaztutako edozein bide erabili ahal izango du horretarako.

Berme-epea amaitzen denean, esleipendunari bermea itzuliko zaio, osorik edo, bidezkoa bada, zati batean, baldin eta kontratuko betebeharrak guztiak bete baditu. Itzulketa hori Sektore Publikoko Kontratuen Legearen Testu Bateginaren 102. artikuluan xedatzen dena betez egingo da.



Ordiziako Udala

(Gipuzkoa)

9. KONTRATUA GAUZATZEA

Kontratua enpresa esleipendunaren arrisku eta benturara gauzatuko da.

Kontratu hau agiri honetan jasota dauden klausulen arabera egingo da, bai eta, hala balegokio, espedienteari erantsitako zehaztapen teknikoen arabera ere, betiere, Administrazioaren zuzendaritza, ikuskapen eta kontrolaren pean, eta eskumen horiek bai ahoz bai idatziz eman ahal izango ditu.

Enpresa esleipendunak edota haren agindupean dauden pertsonak egindako egintza edo ez-egiteen ondorioz kontratuaren betebide egokia zalantzan jarriko balitz, Administrazioak beharrezko iritzitako neurriak hartzea eskatu ahal izango du, kontratu hori behar bezala betetzeko eta egokiro bideratzeko.

10. ENPRESA ESLEIPENDUNAREN ERANTZUKIZUNA KONTRATUA GAUZATZERAKOAN HIRUGARRENEI ERAGINDAKO KALTEENGATIK

Enpresa esleipendunak izango du kontratua gauzatzeko beharrezkoak diren eragiketen ondorioz sor litezkeen kalte eta galeren erantzukizuna, Sektore Publikoko Kontratuen Legearen Testu Bateginaren 214. artikuluan zehaztutakoaren arabera.

11. KONTRATUA ALDATZEA

Administrazioak, herri onurako arrazoiak direla bide, kontratua aldatu ahal izango du, ustekabeko arrazoiak sortzen direnean, eta enpresa esleipendunak ez du inolako kalte ordainik jasotzeko eskubiderik izango, Sektore Publikoko Kontratuen Legearen Testu Bateginaren 308.c) artikuluan zehaztutakoaren kalterik gabe.

Esleipendun enpresak kontratua aldatzeko proposamenak egin ahal izango ditu, aldaketa horiek zerbitzua hobetzera edo zabaltzera zuzenduta badaude, edota zerbitzuaren kostua murriztera zuzentzen badira; Udalak aztertu beharko ditu aldaketa horiek, eta, hala badagokio, onartu egingo ditu.

12. KONTRATUA EZ BETETZEAGATIK ENPRESA ESLEIPENDUNARI EZAR DAKIZKIOKEEN ZIGORRAK

A) KONTRATUA GAUZATZEKO EPEAK

Enpresa esleipenduna, berari egotz dakizkiokeen arrazoiengatik, kontratua betetzerakoan atzeratu edo berandutuko balitz bai kontratua osorik betetzerakoan, eta bai, balegokio, zatiak betetzeko



Ordiziako Udala

(Gipuzkoa)

epeetan, Administrazioak bi aukera izango ditu: edo kontratua amaitutzat ematea, bermea galaraziz, edo eguneko zigorra jartzea, kontratuaren zenbatekoaren 1.000,00 euro bakoitzeko 0,20ko proportzioan.

Berandu ibiltzeagatik ezarritako zigorrak kontratuaren prezioaren ehuneko 5en multiplo batera iristen diren bakoitzean, Kontratazio-organoak ahamena izango du kontratua bertan behera uzteko edo kontratua gauzaten jarraitzea erabakitzeko, zigor berriak ezarriz.

B) PRESTAZIOEN GAUZATZE PARTZIALA

Enpresa esleipendunak, berari egotz dakizkiokeen arrazoiengatik, kontratuan zehaztuta dauden prestazioen zatikako egikaritzea beteko ez balu, Administrazioak bi aukera izango ditu: edo kontratua amaitutzat ematea, edota kontratuaren zenbateko osoaren % 10ari dagokion zigorra ezartzea.

Eman beharreko zerbitzuan akatsak eginez gero, Administrazioak kontratuko aurrekontuaren % 10aren baliokidea den zigorra ezarri ahal izango dio.

13. KONTRATUA AMAITZEKO ARRAZOIAK

Kontratua amaitutzat emateko arrazoiak Sektore Publikoko Kontratuen Legearen Testu Bateginaren 223. eta 308. artikuluetan zehazten dira.

14. ADMINISTRAZIOAREN ESKUBIDEAK

Udalari dagokio kontratu administratiboa interpretatzeko eskubidea, kontratuaren betearazpenak sor ditzakeen zalantzak argitzea, interes publikoa dela bide kontratua aldatzea, amaitutzat ematea eta amaitze horren eraginak zehaztea, betiere, Sektore Publikoko Kontratuen Legearen Testu Bateginean eta Herri Administrazioen Kontratuei buruzko Legearen Araudi Orokorrean ezarritako eskakizun eta ondorioei loturik.



Ordiziako Udala
(Gipuzkoa)

II.- KONTRATATZEKO JARDUNBIDEA

15. ESLEIPENA EGITEKO BIDEA

Kontratu honen esleipena prozedura irekiaren bidez egingo da.

Eskaintzak balioesteko irizpideak, kontratu hau esleitzeko oinarritzat erabiliko direnak, baldintzen agiri honetan biltzen direnak izango dira.

16. KONTRATATZEKO GAITASUNA ETA KAUDIMENA

Edozein pertsona fisikok zein juridikok hartu ahal izango du parte kontratazio-jardunbide honetan, baldin eta bere zuzenbidezko eta jarduteko gaitasun osoa baldin badu, bere kaudimen ekonomiko, finantzario eta tekniko edo profesionala adierazten badu, eta sartua ez badago Sektore Publikoko Kontratuen Legearen Testu Bateginaren 60. artikuluan kontratatzeke zehaztutako debekuetakoren batean.

Era berean, beren kabuz edota horretarako emandako ahalorde askietsia duen norbaiten bitartez kontratatu ahal izango dute. Pertsona juridiko baten ordezkari moduan bertako kideren bat aurkezten denean, horretarako gaitua dagoela egiaztatu beharko du, egiaztagiri bidez. Bai egoera batean bai bestean, aipatutako kontratatzeke ezgaitasunek eragingo diote ordezkari horri.

Enpresaburuek, era berean, kontratu honen helburu den jarduera edo prestazioa gauzatzeko eska dakiekeen gaitasun profesionala edo enpresa-arlokoa izan beharko dute.

17. PROPOSAMENAK AURKEZTEA

Kontratazio honen espedientea, bai eta horrekin batera doan dokumentazio teknikoa ere, Ordiziako Udaleko Erregistro Orokorrean aztertu ahal izango da, astelehenetik ostiralera, goizeko 9:00etatik 14:00etara, lehiaketa honen iragarkia Gipuzkoako Aldizkari Ofizialean argitaratu eta hurrengo egunetik hasita, proposamenak aurkezteko epea amaitu bitartean.

Proposamenak adierazitako lekuan eta orduetan aurkeztu beharko dira, egutegiko hamabost eguneko epean, adierazitako iragarkia argitaratu eta hurrengo egunetik kontaktzen hasita.

Lehiaketa hau Kontratazio-organoaren kontratariaren profilean ere iragarriko da, eta nahi duena web orritik sartu ahal izango da bertara: www.ordizia.org.



Ordiziako Udala

(Gipuzkoa)

Baldintzei buruz edota dokumentazio osagarriari buruz lehiatzaileek informaziorik eskatzen badute, proposamenak jasotzeko adierazitako azken eguna baino sei egun lehenago emango zaie, betiere, proposamenak jasotzeko aurrez adierazitako epea amaitu baino gutxienez zortzi egun lehenago egin badute eskaera.

Sektore Publikoko Kontratuen Legearen Testu Bateginaren 158.3 artikulua xedatutakoarekin bat etorriz, baldintzen orriari edo agiri osagarriari buruzko informazioa ezin izan bada eman aipatutako epeetan, eta eskaintzak lekura bertara bisitaldi bat egin ondoren edo baldintzen orriarekin batera doan dokumentazioa "in situ" kontsultatuta soilik egin ahal badaitezke, eskaintzak jasotzeko epea luzatu egingo da, egoki iritzitako epera arte, horrela, eragindako hautagaiek eskaintzak egiteko beharrezko informazio guztiaren berri izan dezaten.

Ez dira onartuko proposamenak jasotzeko zehaztutako epe horretatik kanpo aurkezten diren proposamenak, nahiz eta postetxera epea amaitu baino lehen eraman. Dena dela, proposamena onartu egingo da baldin eta epe barruan bidali zela egiaztatzen bada. Horretarako, lehiatzaileak, proposamena bidaltzen duen egunean bertan, posta-egiaztagiria bidali beharko dio Kontratazio-organuari telekopiaz, faxez, telegramaz edo posta elektronikoz. Posta elektronikoz bidatzen badu, baliozkoa izan dadin, Herri Administrazioen Kontratuei buruzko Legearen Araudi Orokorraren 80.4 artikuluan ezarritakoa bete beharko du.

Lehiatzaileek bi gutun-azal **(A,B,C)** aurkeztu beharko dituzte itxita. Gutun-azal bakoitzean honako hau idatziko da: **"PROZEDURA IREKIAREN BIDEZKO ESLEIPEN HONEN ADMINISTRAZIO-KONTRATAZIOAN PARTE HARTZEKO PROPOSAMENA: TERAPIA-ARLOAN ETA GIZARTE-ETA HEZKUNTZA-ARLOAN, ARRISKUAN DAUDEN ADINGABEEN ORDIZIAR FAMILIETAN ESKU HARTZEKO PROGRAMA KUDEAKETA"**

Gutun-azal bakoitzean enpresaren izena eta proposamena izenpetzen duenaren izen-abizenak jarriko dira, noren izenean izenpetzen duen zehaztuz. Hiru gutun-azalek ere izenpetuta egon beharko dute.

"A" gutun-azalaren izenburua "KONTRATATZEKO GAITASUNA ETA KAUDIMENA" izango da, eta ondoko agiri hauek bilduko ditu:



Ordiziako Udala

(Gipuzkoa)

a) Enpresa parte-hartzailearen edo horren ordezkariaren nortasun-agiriaren fotokopia. Horrez gain, beste pertsona edo erakunde baten izenean jokatzuz gero, notarioaren ahalordea.

b) Enpresa lehiatzailea pertsona juridikoa bada, eratze- edo aldaketa-eskritura aurkeztu beharko ditu, Merkataritza Erregistroan behar bezala inskribatuta, baldin eta aplikagarria zaion merkataritza-legediaren arabera eska badaiteke; halaber, identifikazio fiskaleko zenbakia ere aurkeztu beharko du. Pertsona juridikoa ez bada, jarduteko gaitasuna egiaztatzeko, eratze-eskritura edo dokumentua, estatutuak edo sortze-ekitaldiaren dokumentua aurkeztuko ditu, eta agiri horietan, jarduera arautzen duten arauak jasoko dira. Horiek guztiek, hala badagokie, kasuan kasuko erregistro ofizialean inskribatuta egon beharko dute. Espainiakoak ez diren enpresaburuek, baldin eta Europar Batasuneko estatukideetakoak badira, kokatuta dauden Estatuko legediaren arabera dagokien erregistroan izena emanda dutela frogatu beharko dute, edo, bestela, zinpeko aitorpen bat edo egiaztagiria bat aurkeztu behar dute, aplikagarri zaizkion Europar Batasuneko xedapenekin bat etorritik.

c) Sektore Publikoko Kontratuen Legearen Testu Bateginaren 60. artikuluan zerrendatutako edozein kontratazio-debekuren eraginpean ez dagoela erakusten duen erantzukizunpeko aitorpena; horren barnean, zerga-betebeharrak eta Gizarte Segurantzari dagozkionak, indarrean dauden xedapenek ezarritakoak, egunean dituela adierazten duen aitorpena, azken bi egoera horiek egiaztatzeko ziurtagiriak aurkezten baditu izan ezik.

d) Ekonomia Jardueren gaineko zergan, kontratuaren xedeari dagokion epigrafean, enpresa alta emanda dagoela egiaztatzea, alta aurkeztuz, indarrean den ekitaldiari badagokio, edota Jardueren gaineko zergaren azken ordainagiria, gainerakoetan; eta bi egoeretako edozeinetan, aipatutako zergaren matrikulan baja eskatu ez izanaren erantzukizunpeko aitorpena.

e) Enpresa lehiatzailearen kaudimen ekonomiko, finantzario eta tekniko edo profesionalaren egiaztagiria, Sektore Publikoko Kontratuen Legearen Testu Bateginaren 75 eta 78. artikuluetan zehaztutako bideetatik. Kaudimen teknikoa egiaztatzeko orduan, terapia-arloan eta gizarte- eta hezkuntza-arloan, arriskuan dauden adingabeen legazpiar familietan esku hartzeko programa gauzatzeko profesionalen kontratazioa arautzen duen baldintza teknikoen agirian, seigarrenean, zehazten dena bete beharko da, bai eta Ordiziako Nerabeentzako Balio Anitzeko Zerbitzu Publikoaren Kudeaketaren esleipena arautzen duen klausula teknikoen agirian, seigarrenean, zehazten dena ere.



Ordiziako Udala

(Gipuzkoa)

f) Zenbait enpresaburuk lehiaketara Aldi baterako Enpresa Elkartea eratuta aurkeztu nahiko balu, elkarte horretako kide bakoitzak jardunerako ahalmena eta kaudimena egiaztatu beharko ditu, aurreko puntuetan ezarritakoaren arabera; halaber, esleipena lortuz gero, Aldi baterako Enpresa Elkartea formalki eratzeko konpromisoa agertu beharko dute enpresa guztiek. Bestaldetik, Aldi baterako Enpresa Elkarteko kide bakoitzak kontratuaren zein zati egingo lukeen adierazi beharko dute proposamenean, kide guztien kaudimen baldintzak zehaztu eta egiaztatu ahal izateko.

g) Atzerriko enpresak badira, Espainiako epaitegi edo auzitegien menpe jarriko direla adierazi beharko dute, kontratuarekin zuzen edo zeharka zerikusia duten gorabehera guztietarako, eta, hala egokituz gero, enpresa lehiatzaileari legokiokeen atzerriko jurisdikzioari uko egingo lioketela ere adieraziko dute.

h) Egingo dituzten lanen azalpen-memoria.

i) Helbide elektroniko bat, jakinarazpenak igorri ahal izateko.

Aipatu berri diren a), b) eta e) letretako betekizunak honela egiaztatu ahal izango dira: Euskal Autonomia Erkidegoko Lehiatzaile eta Enpresa Sailkatuen Erregistro Ofizialaren edota Estatuko Lehiatzaile eta Enpresa Sailkatuen Erregistro Ofizialaren egiaztagiria baten bidez, edota sailkapen egiaztagiria komunitario baten bidez, Sektore Publikoko Kontratuen Legearen Testu Bateginaren 84. artikulua dionaren arabera. Kasu horretan, aipatutako egiaztagiriarekin batera, enpresa lehiatzaileak emandako erantzukizunpeko aitorten bat ere aurkeztu beharko da, eta, aitorten horretan, aipatutako egiaztagirian jasota dauden inguruabarrek ez dutela inolako aldaketarik izan adieraziko da.

“B” gutun-azalaren azpтитulua “ ESLEITZEKO IRIZPIDEAK” izango da, eta honako dokumentu hauek bilduko ditu:

1. Esleitzeko irizpideak: baldintzen agiri honetan aurreikusten diren esleipen-irizpideak, kontratistak balioesteko aurkezten dituenak, betetzen direla justifikatu behar da.

“C” gutun-azalaren azpтитulua “DIRU PROPOSAMENA” izango da, eta honako dokumentu hauek bilduko ditu:

1. Eskaintza ekonomikoa, ondorengo orrialdean zehaztutako eredian oinarrituko dena.



Ordiziako Udala

(Gipuzkoa)

PROPOSAMEN EKONOMIKOA

Izen-abizenak:
Helbidea: Posta kodea:
Nortasun-agiria: Telefonoa:
Posta elektronikoa:

Erabateko ahalmen juridikoa eta jardutekoa izanik, eta neure izenean edo honako hau ordezkatzuz:

Izen-abizenak edo enpresaren izena:
Helbidea:
Posta kodea:
Telefonoa:
Nortasun-agiria edo IFK (pertsona fisikoa edo juridikoa den kontuan hartuta):

Ordiziako Udalak terapia-arloan eta gizarte- eta hezkuntza-arloan, arriskuan dauden adingabeen ordiziar familietan esku hartzeko programa eta Legazpiko Nerabeentzako Balio Anitzeko Zerbitzuaren kudeaketa kontratatzeko Ordiziako Udalak deitu duen prozedura irekiaren berri izan ondoren, ondokoa aitortzen dut:

- 1) epean, ondoren zerrendatuta datozen programak zehaztutako prezioetan burutzeko konpromisoa hartzen dudala:

1.1. Terapia-arloko eta gizarte- eta hezkuntza-arloko esku-hartze programa, Gizarte Zerbitzuek egindako balioespenaren arabera, babesgabezia-egoera izateko arrisku arina edo ertaina duten pertsonak dituzten Legazpiko familiei zuzenduko zaiena. Prezio hauetan kontzeptu guztiak sartzen direla ulertuko da: zergak, gastuak, tasak, arielak eta enpresa kontratistaren industria-etekina.

Banakako saio terapeutikoa: 43,52 euro.

Familiarekin egingo den saio terapeutikoa (terapeuta bat): 67,19 euro.

Familia-hezitzailearen esku-hartze eta koordinazio-ordua (**orduko prezio hau bakarrik lizitazioan sartzen dena**)..... euro.

Koordinatzailearen esku-hartze ordua: 34,64 euro.

Terapeutaren koordinazio-ordua: 34,64 euro.

- 2) Baldintza Teknikoen Agiria ezagutzen dut, bai eta kontratu hau arautu behar duten Administrazio Baldintza Zehatzen Agiria eta gainerako agiriak ere. Horiek horrela, neure gain hartu eta ontzat hartzen ditut, oso-osorik.

- 3) Ordezkatzen dudana enpresak, ireki, instalatu eta jarduteko indarrean dagoen araudiak eskatzen dituen baldintza guztiak betetzen ditu.

.....-n,-(e)ko-aren-(e)an



Ordiziako Udala

(Gipuzkoa)

18. AGIRIAK SAILKATZEA, ENPRESAK AUKERATZEA ETA PROPOSAMENAK IREKITZEA

Proposamenak aurkezteko epea amaitu eta gero, Kontratazio-mahaiak epe eta modu egokian jasotako dokumentazioa ("A" gutun-azala) sailkatu egingo du. Horretarako, 817/2009 Errege-dekretuak –Sektore Publikoko Kontratuen Legea zati batean garatzen duenak–, 21. artikuluan eta hurrengoetan zehazten denaren bidetik joko da.

Behin agiriak sailkatu ondoren, eta akats eta hutsunerik baleko, horiek zuzendu eta gero, baldintzen agiri honen 17. baldintzan azaltzen diren irizpideak zein enpresak betetzen dituzten zehaztuko du Mahaiak, eta berariaz adieraziko du zein enpresa onartu dituen lehiaketarako, zein baztertu dituen, eta zergatik baztertu dituen.

Aurkeztu diren proposamenak ("B" gutun-azala) jendaurrean irekiko ditu Kontratazio-mahaiak, eta beren edukia azalduko du; Sektore Publikoko Kontratuen Legearen Testu Bateginaren 150 eta 151. artikuluetan aurreikusitako modura balioetsiko ditu, balioespen handiena duenetatik txikienera ordenatuta; horretarako, egoki iruditzen zaizkion txoten teknikoak eskatu ahal izango ditu, Sektore Publikoko Kontratuen Legearen Testu Bateginaren 160.1 artikuluan aurreikusten denaren arabera. "B" kartzaletan aurkeztutako eskaintzen balorazioa egin ondoren, ekitaldi publikoa egingo da "C"- "DIRU PROPOSAMENA" gutunazalak irekitzeko.

Proposamen horietakoren bat neurritz gorakotzat edo anormaltzat har daitekeela uste duenean, Sektore Publikoko Kontratuen Legearen Testu Bateginaren 152.3 artikuluan xede horretarako aurreikusten den prozedura izapidetuko du.

Aurreko kasua aparte utzita, ekonomikoki onuragarriena den eskaintza egin duen lehiakideari esleitzeko proposamena egingo dio Kontratazio-organoari, betiere, baldintzen agiri honetan jasotako irizpideak oinarri hartuta. Agirian jasotako irizpideen arabera jaso diren eskaintzetatik bakar bat ere ez dela onargarria irudituz gero, lehiaketa ezerezean uzteko proposatuko du. Horrez gain, kontratua esleitzeko prozedurak arautzeko edo antolatzeke arauetan hutsegiteren bat egin dela ikusiz gero, Kontratazio-organoari azalduko dio, arrazoiak garbi azalduz, eta, beraz, esleipenik ez egiteko proposatuko dio.

19. KONTRATAZIO-MAHAIA

Kontratazio-mahaia presidenteak, idazkariak eta gutxienez beste lau kidek osatuko dute; Kontratazio-organoak izendatutakoak izan behar dute guztiek. Nahitaezkoa da, kideen artean, bat



Ordiziako Udala

(Gipuzkoa)

Kontratazio-organoaren aholkularitza juridikoaz arduratu den funtzionario bat izatea, eta beste bat kontu-hartzailea izatea, eta bi horietakoren bat falta bada, organoaren aholkularitza juridiko edota aurrekontu eta diru-kontuen kontrol-zereginak esleituta dituen norbait izango da haren lekua hartuko duena.

Kontratazio-organoan lanean aritu den funtzionario bat izango da idazkaria. Funtzionario bat izendatu ezin denean, Kontratazio-organoaren barneko beste mota bateko kideren bat izendatuko da. Kontratazio-mahaiko kideak behin betiko izenda daitezke zeregin horretarako, edo kontratu bakoitza esleitzeko orduan ere izenda daitezke kideak.

Mahaiaren osaketa dagokion Kontratazio-organoaren kontratatzailearen profilean argitaratuko da, Sektore Publikoko Kontratuen Legearen Testu Bateginaren 146.1 artikuluan adierazten den dokumentazioa sailkatzeko bilera egin baino zazpi (7) egun lehenago gutxienez.

Mahaiak egiten dituen bileretan parte har dezakete, beharrezkoa irudituz gero, bai funtzionarioek, bai eta aholkulari espezializatuek ere, betiere, landuko diren gaiak kontuan hartuta; parte-hartzaile horiek hitza izango dute, baina ez botorik.

Idazkariak izan ezik (hitza izango du honek), gainerako guztiek hitza eta botoa izango dute.

Osatzen den Kontratazio-mahaiak balio osoa izan dezan, nahitaezkoa da bertako kideen gehiengo absolutua izatea, edota gutxienez, bertan izan beharko dute presidenteak, idazkariak eta aholkularitza juridikoaren ardura eta organoaren aurrekontu eta diru-kontuen ardura duten bi kidek.

Horrela osatuko da Kontratazio-mahaia:

Presidenteak: Igor Eguren Izagirre, alkatea.

Idazkaria: Martin Iparragirre Mujika, idazkaria.

Mahaikideak:

- José Luis Aranburu Otegi, kontu-hartzailea.
- Ana Urkizu Kerejeta, administrazio orokorreko teknikaria.
- Koro Ruiz, gazteria eta hezkuntzako teknikaria.
- Jone Herrero, gizarte-langilea.
- Izaro Intsausti, Ogasuneko zinegotzia.



Ordiziako Udala

(Gipuzkoa)

20. BALIOESPEN-IRIZPIDEAK

20.1. 1. xedea: terapia-arloko eta gizarte- eta hezkuntza-arloko esku-hartze programa, Gizarte Zerbitzuek egindako balioespenaren arabera, babesgabezia-egoera izateko arrisku arina edo ertaina duten pertsonak dituzten Ordiziako familiei zuzentzen zaiena.

Proposamen ekonomikoa: 100 puntu gehienez

Baldintzen agiri honetako 4.1 klausulan adierazitako familia-hezitzailearen esku-hartze eta koordinazio orduari dio erreferentzia puntuazioak, eta jaisten den oinarritzko prezioaren %1eko edo zatia, 10 punturekin baloratuko da, eta ez da %10eko baino gehiagoko jeitsierarik onartuko.

Esku-hartze proiektua: 50 puntu gehienez

➤ Esku-hartze proiektuaren oinarri teorikoak, 5 puntu gehienez:

- Haur eta nerabeei zuzendutako arreta eta babesaren inguruko gaietan indarrean den legerian, Gipuzkoako Foru Aldundiak argitaratutako Haurrak babesik gabeko egoeran daudenean esku hartzeko gidan, Gizarte Zerbitzuen Legean eta BALORA tresnan oinarritzen bada, **puntu bat**. Bestela, 0 puntu.
- Esku-hartze terapeutikoren ikuspegi teorikoaren gain informazio berezitua eta zabalagoa ematen bada, **2 puntu**. Bestela, 0 puntu.
- Gizarte eta hezkuntzaren arloko esku-hartzearen ikuspegi teorikoaren gain informazio berezitua eta zabalagoa ematen bada, **2 puntu**. Bestela, 0 puntu.

➤ Lan-metodologia, 10 puntu gehienez:

- Erabilitako plangintza-sistemari erreferentzia egiten bazaio, **3 puntu**. Bestela, 0 puntu.
- Esku hartzeko bi motatan erabiliko diren erremintak eta teknikak zehazten badira, **3 puntu**. Bestela, 0 puntu.
- Esku-hartze arloka ebaluazio-adierazleak zehazten badira eta ebaluazio-sistema bat izanez gero, **4 puntu**. Bestela, 0 puntu.

➤ Udalerriko errealitatea kontuan hartuta proiektuak duen egokitasuna, 17 puntu gehienez:

- Udalerriaren errealitatea islatzen bada eta biztanleriari, etorkinei, gutxiengo etnikoei eta abarri buruzko datuak ematen baditu, **5 puntu**. Bestela, 0 puntu.



Ordiziako Udala

(Gipuzkoa)

- Koordinazio-lana eta sareko lana eskatuko duten udalerriko edota eskualdeko beste baliabide edo sistema batzuk zehatz-mehatz azaltzen badira, 9 puntu gehienez, aintzat hartzen diren sektoreen kopuruaren arabera:
 - Hezkuntza: Lehen Hezkuntza, Bigarren Hezkuntza, Helduen Hezkuntza, LHI...: **4 puntu**. Bestela, 0 puntu.
 - Asia eta denbora libre: NBAZ, udalekuak,...: **4 puntu**. Bestela, 0 puntu.
 - Osasuna: Ordiziako Osasun-zentroa, OMZ, Eskualdeko ospitalea, **2 puntu**. Bestela, 0 puntu.
 - Herritarren segurtasuna: **2 puntu**. Bestela, 0 puntu.

- Proposatutako giza eta gauza-baliabideak, 18 puntu gehienez:

Prozesu honetarako enpresak dituen antolamendua eta egitura funtzionala zehaztuko dira, eta kide bakoitzaren titulazio profesionala eta esperientzia adieraziko da.
- Enpresak bi sexuetako eta hainbat profiletako familia-hezitzaileen aukera zabala badu, balioetsi egingo da:
 - Sexu bien ordezkartza % 40ra iristen bada, **8 puntu**.
 - Sexu baten ordezkartza ehuneko % 40 baino txikiagoa bada baina sexu biak ordezkartuta baldin badaude, **4 puntu**.
 - Sexu baten ordezkartza bakarrik baldin badago, **0 puntu**.
- Hezitzaile bakoitza kasu bati edo besteari esleitzeko enpresak erabiltzen dituen irizpideak zehazten badira, balioetsi egingo da, eta **2 puntu** emango zaizkio. Bestela, 0 puntu.
- Esku-hartze prozesuan sor daitezkeen arazoei irtenbidea emateko enpresak kanpoko laguntza badu, balioetsi egingo da, eta **8 puntu** emango zaizkio. Bestela, 0 puntu.

- **Enpresaren balioespena / giza baliabideak, 35 puntu gehienez.**
 - Enpresak prestakuntza-planak baditu, **5 puntu** emango zaizkio. Bestela, 0 puntu.
 - Enpresak Balora tresnaren erabilerari buruzko prestakuntza-prozesuan parte hartu badu, **5 puntu** emango zaizkio. Bestela, 0 puntu.
 - Enpresak laneko egonkortasuna indartzeko eta langileen lan-baldintzak hobetzeko hitzarmen bat badu, balioetsi egingo da, eta **25 puntu** emango zaizkio. Bestela, 0 puntu.

- **Gehitutako beste alderdi on batzuk: 5 puntu gehienez.**



Ordiziako Udala (Gipuzkoa)

21. ESLEIPENA, FORMALIZAZIOA ETA GASTUAK

Sektore Publikoko Kontratuen Legearen Testu Bateginaren 151. artikulua ezartzen duenarekin bat etorritik, ekonomikoki eskaintza onuragarriena aurkeztu duen lehiatzaileari honako agiri hauek aurkezteko eskatuko dio Kontratazio-organoak, eskaera jaso duen egunaren biharamunetik hasita hamar lan eguneko epean:

- Zerga-betebeharrak eta Gizarte Segurantzarekiko betebeharrak egunean dituela egiaztatzen duten agiriak.
- Sektore Publikoko Kontratuen Legearen Testu Bateginaren 64.2. artikuluan ezarritakoaren arabera, kontratua gauzatzeko erabili edo jarri beharreko bitartekoak benetan badituela ziurtatzen duten agiriak.
- Behin betiko bermea jarri duela ziurtatzen duten agiriak.

Ziurtagiri horiek baliabide elektronikoko, informatiko edo telematikoen bidez bidali ahal izango dira.

Osoko Bilkurak alkatearen esku utz dezake aurreko atalean adierazitako eskakizuna egiteko ahalmena.

Eskaera adierazitako epean betetzen ez bada, lehiatzaileak bere eskaintzari uko egin diola ulertuko da, eta, kasu horretan, ondorengo lehiatzaileari agiri berak eskatuko zaizkio, eskaintzak sailkatu diren hurrenkeraren arabera.

Esleipenak arrazoitua izan behar du, hautagaiei edo lehiatzaileei jakinarazi egingo zaie, eta, aldi berean, kontratatzailearen profilean argitaratuko da.

Hartzaileak jaso duela egiaztatzeko aukera ematen duten edozein baliabideren bidez egingo da jakinarazpena. Bereziki, lehiatzaileek edo hautagaiek beren proposamenak aurkezterakoan adierazi duten helbide elektronikora bidal daiteke.

Eskaintza neurritz kanpokotzat edo anormaltzat jotzen denean, aurkeztu duen lehiatzaileari (edo lehiatzaileei, hala dagokienean) entzungo zaio, eta dagokion zerbitzuaren aholkularitza tekniko eskatuko da.

Kontratazio-organoak soilik zerbitzua esleitu aurretik erabaki ahal izango du kontratua ez egitea edo jardunbide honi uko egitea. Bi kasuetan, egindako gastuak ordainduko zaizkie hautagaiei edo



Ordiziako Udala

(Gipuzkoa)

lehiatzaileei, iragarkian edo baldintzen agirian ezarritakoaren arabera edota Administrazioaren erantzukizunari buruz indarrean dauden printzipio orokorretan ezarritakoaren arabera.

Eskaintzaren baldintzak zehatz-mehatz jasotzen dituen administrazio-ko agiri baten bidez formalizatu beharko da kontratua, eta agiri horrek edozein erregistro publikotan sartzeko beharreko sinestamendua izango du. Hala ere, kontratistak kontratua eskritura publikoan jasotzeko eska dezake, eta bere gain hartuko ditu horri dagozkion gastuak. Kontratua formalizatzen duen agirian ezin izango da inolaz ere txertatu esleipenaren terminoak aldatuko dituen klausularik.

Kontratazioaren alorrean, Sektore Publikoko Kontratuen Legearen Testu Bateginaren 40.1. artikulua zehazten duenaren arabera, errekurso bereziren bat jar badaiteke, kontratua ezin izango da formalizatu, lehiatzaileei eta hautagaiei esleipenaren jakinarazpena bidaltzen zaienetik hasita hamabost asteguneko epea igaro baino lehen. Kontratazio-organoak kontratua formalizatzeko eskatuko dio esleipendunari, eskaera jaso duen egunaren biharamunetik hasita gehienez ere bost eguneko epean.

Gainerako kasuetan, lehiatzaileek eta hautagaiek, Sektore Publikoko Kontratuen Legearen Testu Bateginaren 151.4. artikuluan aurreikusten denaren arabera, jakinarazpena jasotzen duten egunaren biharamunetik hasita gehienez ere hamabost asteguneko epean formalizatu beharko dute kontratua.

Osoko Bilkurak alkateari eman ahal izango dio kontratua formalizatzeko ahalmena.

Esleipendunari egotz dakizkiokeen arrazoiengatik kontratua adierazitako epean formalizatzen ez bada, Administrazioak behin betiko bermea bahitzeko erabakia har dezake. Administrazioari egotz dakizkiokeen arrazoiengatik formalizatzen ez bada, atzerapen horrek eragin diezazkiokeen kalte-ordainak ordainduko zaizkio kontratistari.

Kontratua ezin izango da gauzatu hasi, aurrez formalizatu gabe, Sektore Publikoko Kontratuen Legearen Testu Bateginaren 113. artikuluan aurreikusita dauden kasuetan salbu. Kontratuaren formalizazioa Kontratatzailearen Profilean argitaratuko da (www.legazpiko-udala.info).

III.- IZAERA, ERREGIMEN JURIDIKOA ETA JURISDIKZIO ESKUDUNA

22. ARAU-HAUSTEEN ETA ZIGORREN ERREGIMENA

1. **Arau-haustek**. Enpresa esleipendunak egindako arau-haustek oso larriak, larriak edo arinak izan daitezke:



Ordiziako Udala

(Gipuzkoa)

1.1. Kontratatik arau-hauste oso larria egingo du oinarrizko betebeharrak betetzen ez baditu eta zerbitzuari dagozkion betebeharrak horietan utzikieriaz eta arduragabekieriaz jokatzeko badu, arau-hauste horiek larriak edo arinak ez direnean, betiere. Adierazpen gisa, hona hemen oso larritzat jotzen diren arau-hausteak:

- a) Zerbitzua, argi eta garbi, gaizki edo modu irregularrean eskaintzea, ezarritako baldintzak bete gabe.
- b) Kontratua osorik edo zati batean ematea, berralokatzzea edo eskualdatzea, Udalak berariaz horretarako baimenik eman gabe.
- c) Kontratatik edo enpresa esleipendunak zerbitzua emateari uztea, hori zilegi egiten duten legezko baldintzak gertatu gabe.
- d) Zerbitzuan lan egiten duten langileen laneko betebeharrak eta Gizarte Segurantzaren arlokoak ez betetzea.
- e) Behin eta berriz arau-hauste larria egitea edo, 6 hilabeteko epean, arau-hauste larri bat baino gehiago egitea.

1.2. Arau-hauste larriak honako hauek izango dira:

- a) Zerbitzua ematerakoan behin eta berriz atzeratzea eta kontratuaren xede diren zerbitzuak eskaintzerakoan behin eta berriz irregulartasunak izatea.
- b) Zerbitzuak eskaintzerakoan agiri honetan jasotako baldintzen arabera onartezinak diren irregulartasunak izatea.
- c) Dokumentuak faltsutzea.
- d) Kontratuari atxikitako langileak kontratuaren xede ez diren jardueretan lanean jartzea.
- e) Kontratatik zigor arinak eragiten dituzten ekintzak behin eta berriz errepikatzea. Behin eta berriz errepikatzen direla ulertuko da, bi hilabetean bi aldiz eginez gero.

1.3. Arau-hauste arinak honako hauek izango dira:

- a) Agirian aurreikusitako arau orokorrak eta espezifikak ez betetzea, arau-hauste larritzat edo oso larritzat hartzen ez badira, betiere.
- b) Udalak berariaz baimenik eman gabe lanak aldatzea.
- c) Ezarritako epean, zerbitzua ematerakoan izan diren gorabeherak Udalarari ez jakinaraztea.
- d) Udalaren aginduak ez betetzea.

2. Zigorrak:



Ordiziako Udala

(Gipuzkoa)

- a) Arau-hauste arinak ohartarazpen batekin zigortuko dira beti; hala ere, 300,00 eurora bitarteko isunak ezarri ahal izango dira.
- b) Arau-hauste larriak 301,00 eurotik 600,00 eurora bitarteko isunekin zigortuko dira.
- c) Oso arau-hauste larriak 601,00 eurotik 1.500,00 eurora bitarteko isunekin zigortuko dira.

Dena den, oso arau-hauste larrien kasuan, klausula honetan aurreikusitako zigorrak ezartzea edota kontratua eteteko dagokion espedientea bideratzea aukeratu ahal izango du Udalak.

Zigorrak ezartzeak ez du kalte-ordainen konpentsazioa baztertuko, hala dagokionean.

23.- KONTRATUA GARATZEKO HIZKUNTZA BALDINTZAK

Kontratu honek nahitaez bete behar du hizkuntza ofizialtasun bikoitzaren araubidea, Euskal Autonomia Erkidegoko Autonomia Estatutuaren 6. artikuluan ezarria eta Euskararen erabilera normalizatzeko azaroaren 24ko 10/1982 Oinarrizko Legean eta hori garatzen duten arauetan erregulatua, besteak beste, Euskararen erabilera arautzeko Ordiziako Udal Ordenantza.

Apirilaren 15eko 86/1997 Dekretuak, EAEko herri administrazioetan euskararen erabilera normalizatzeko prozesua arautzen duenak, 18. artikuluan administrazioetako normalizazio planek jaso beharko dituzten gutxieneko edukiak zehazten ditu eta horien artean ondorengo agertzen da: "18 d) Kontratazio-arloan erabiliko diren neurriak; batez ere, hirugarren batzuek herritarrekin harreman zuzena duten zerbitzu publikoak eskaintzen dituztenean, dagokion administrazioak berak bete behar lituzkeen antzeko hizkuntza-baldintzak berma daitezen." Hori dela eta, administrazioaren eta honen erakunde autonomoen kontratazioetarako pleguetan puntu berezi bat jasoko da eta bertan adieraziko da, kasuan kasuko kontratuari apirilaren 15eko 86/1997 Dekretuaren 18.d) atalean ezarritako neurriak dagozkion ala ez.

Kontratuaren xede den prestazioaren berezko ezaugarriek kontratua ezinbestean euskaraz gauzatzea eskatzen dute, izan ere xede taldea gazteena da.

Baldintza plegu honetan ezartzen diren hizkuntza-baldintzek kontratuaren funtsezko obligazio izaera daukate urriaren 30eko 30/2007 Sektore Publikoko Kontratuen Legearen Testu Bateginaren ondorioetarako, eta hortaz, kontratuaren gainerako baldintzak ez betetzeak dituen **ondorio berdinak** izango ditu: zigor sistema aplikatzea edo kontratua suntsiaraztea.



Ordiziako Udala

(Gipuzkoa)

Horrenbestez, kontratuaren xede den prestazioaren berezko ezaugarriek kontratua ezinbestean euskaraz gauzatzea eskatzen dutenez, **zerbitzu hizkuntza** euskara izango da.

- Kasu guztietan herritarren hizkuntza eskubideak bermatuko dira.
- Administrazioarekin eta hirugarrenekin harremana duten neurrian, kontratatutako enpresako langileek administrazioak berak bete behar lituzkeen pareko baldintzak bermatu beharko dituzte, hizkuntza gaitasunei dagokienez.
- Kontratuaren xede diren azterlan, txosten, proiektu eta bestelako lanak euskaraz egingo dira, softwareetako testuzko eta soinuuzko interfazeak barne.

Enpresa esleipendunak administrazioaren hizkuntz araudiaren arabera jokatu du, kontratuaren xede diren jardura guztietan; eta beraz, enpresak **administrazioarekin** dituen ahozko zein idatzizko **harremanak** administrazioaren lan hizkuntzaren arabera izango dira.

Hizkuntza-baldintzen betetze mailaren **jarraipena**:

Zerbitzuaren kontratazioa sustatu duen administrazio atalak berak egingo du finkatutako hizkuntza-baldintzen betetzearen jarraipena, gainerako baldintzen jarraipena egiten duen modu eta epe berdinetan, eta horren berri emango dio Euskara Zerbitzuari. Ondoren, Euskara Zerbitzuak bere balorazioa egingo du oniritzia edo neurri zuzentzaileak proposatuz.

Sektore Publikoko Kontratuen Legearen testu bategineko (SPKLTB) 52 eta 222 artikulua jarraiki:

- Kontratuaren arduradunak kontratua nola betetzen den ikuskatuko du, hizkuntza-baldintzak behar bezala betetzen diren jarraipena egin, eta horren inguruan beharrezko erabakiak hartu eta jarraibideak emango ditu.
- Ikuskaritza kontratu bukaeran ez ezik, modu jarraian ere egingo du kontratu-arduradunak, berariaz prestatutako jarraipen euskarriak erabilia, sor daitezkeen hutsegiteak zuzendu ahal izateko.

Hizkuntza-eskakizuna frogatu duen langileren batek enpresa utziko balu, ordezkoak berdin frogatu beharko du ezarrita dagoen hizkuntza-eskakizuna. Ildo horretan, ordezkoekin ere arestian aipatutako prozedura beteko da.



Ordiziako Udala

(Gipuzkoa)

Kontratatutako enpresak euskara erabiliko du eskaintzen dituen zerbitzuen komunikazio guztietan, bai ahozkoetan, bai idatzizkoetan. Komunikazio guztiak (txartelak, oharrak nahiz idatzizko bestelako edozein bitartekoz) euskaraz egingo dira. Gurasoei bideratutakoak euskaraz edo ele biz egingo dira, gurasoek eskatutakoaren arabera.

Zerbitzuetako langileek euskaraz hasiko dituzte elkarrizketak, eta horrela eutsiko diote elkarrizketari. Nolanahi ere, erabiltzaileak aukeratutako hizkuntza errespetatuko da.

Zerbitzuen komunikazio orokor guztiak euskaraz egingo dira.

Udalarekiko ahozko nahiz idatzizko harreman guztiak euskaraz egingo dira.

Kontratazio-organoari dagokio zerbitzuaren hizkuntza-betebeharren jarraipena egitea; alabaina, Euskara Atalaren ardura izango da organo horren eskura jartzea beharrezkoa duen informazioa. Hizkuntza-betebeharren arloan arauak behin eta berriz hausten badira, egoera hori funtsezko arau-haustetzat joko da; hortaz, kontratua suntsiarazteko arrazoi nahikoa izango da.

24. IZAERA ETA ERREGIMEN JURIDIKOA

Baldintzen agiri honen arabera egin behar den kontratua administrazio-mailakoa izango da, eta kontratuan bertan zehazten ez den guztiari dagokionez, Sektore Publikoko Kontratuen Legearen Testu Bateginean eta Sektore Publikoko Kontratuen Legea partzialki garatzen duen 817/2009 Errege Dekretuan ezarritako arauak bete beharko dira. Horiez gainera, 2001eko urriaren 12ko 1098/2001 Errege-dekretuaren bidez onetsi ziren Herri Administrazioen Kontratuen Legearen Araudi Orokorra bete beharko dira, bai eta herri administrazioen kontratazioan erabili beharreko gainerakoak ere.

Administrazio baldintza berezien agiri honen eta espedientearekin batera doan dokumentazio teknikoaren artean kontraesanak izanez gero, agiri honetan zehaztutakoa nagusituko da.

25. DATU PERTSONALEN BABESA

Kontratazio honen bitartez datu pertsonalak eskuratzen badira, kontratistak Sektore Publikoko Kontratuen Legearen Testu Bateginaren hogeita hamazazpigarren Xedapen Gehigarrian



Ordiziako Udala

(*Gipuzkoa*)

adierazitakoak bete beharko ditu, Datuen Babeserako 1999ko abenduaren 13ko 15/1999 Lege Organikoan eta hori garatzen duten arauetan xedatutakoak biltzen baitira bertan.

Kontratua gauzatzekoan edo horren ondorioz enpresa esleipendunak lortutako informazio oro isilpekoa izango da, eta kontratatutako lanak egiteko soilik erabili ahal izango da.

26. JURISDIKZIO ESKUDUNA

Kontratutik sortzen diren auziak Administrazioarekiko auzien jurisdikzioaren menpe egongo dira. Nolanahi ere, bi alderdiek nahi izanez gero, auziak arbitrajearen bidez konpondu daitezke, indarrean dagoen legerian zehaztutakoarekin bat etorriz.

Ordizian, 2014ko ekainaren 30